



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

**Broj:** 10-33- 3896 /21

Sarajevo, 11.02.2021. godine

Na osnovu člana 70. st. 1. i 2. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05), a u vezi sa članom.13 stav 2. Zakona o zdravstvenoj zaštiti („Službene novine Federacije BiH“ broj 46/1 i 1 75/13), Ministar zdravstva donosi

### **R J E Š E N J E**

**o imenovanju radne grupe za koordinaciju svih aktivnosti u realizaciji Plana restrukturiranja zdravstvene djelatnosti i reorganizacije zdravstvenih ustanova u Kantonu**

#### **I**

Imenuje se Radna grupa za koordinaciju svih aktivnosti u realizaciji Plana restrukturiranja zdravstvene djelatnosti i reorganizacije zdravstvenih ustanova u Kantonu sarajevo, u sastavu:

1. Prof. Dr Haris Vranić – predsjednik;
2. Prim. Dr Emira-Tanović Mikulec - član;
3. Mr. Sci. Med. Dr Senad Maksić – član;
4. Mr. Sci. Med. Dr Amela Kuskunović– član;
5. Mr. Sci. Med. Dr Alen Pilav – član;
6. Prim. Dr Dragan Stevanović – član;
7. Doc. Dr Goran Akšamija – član,
8. Safeta Borovac, dipl.oec – član;
9. Alen Katović, dipl.pravnik – član.

#### **II**

Zadatak Radne grupe iz tačke I ovog rješenja je da:

- sačini analizu postojećeg stanja zdravstvenog sistema u Kantonu Sarajevo sa aspekta usklađenosti djelatnosti i organizacije rada zdravstvenih ustanova sa Zakonom o zdravstvenoj zaštiti ;
- sačini analizu stanja vezano za prostor, kadar i opremu;



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1



- analizira radni materijal Programa zdravstvene zaštite urađen u više verzija, i to prema važećim Standardima i normativima zdravstvene zaštite („Službene novine broj 82/14) i Odluci o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovi obaveznog zdravstvenog osiguranja sa zdravstvenim ustanovama sa područja Kantona Sarajevo („Službene novine Kantona Sarajevo", broj 37/09);

- na osnovu analize iz tačke II alineja 1. i 2. sačini prijedlog nove organizacije zdravstvenih ustanova za sve nivoe zdravstvene zaštite, u skladu sa važećim zakonskim propisima;

- na osnovu analize iz tačke II alineja 2. i 3. sačini prijedlog izmjena i dopuna Odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo;

- izmjena Plana restrukturiranja zdravstvene djelatnosti i reorganizacije zdravstvenih ustanova.

### III

Saglasno provedenim aktivnostima i prijedlozima iz tačke II ovog rješenja potrebno je sačiniti prijedlog izmjena i dopuna osiiovačkih akata i statuta zdravstvenih ustanova, vezano za predloženu

reorganizaciju djelatnosti i rađa zdravstvenih ustanova.

### IV

Radna grupa će otpočeli rad ODMAH.

Naknada za rad članova Radne grupe biće utvrđena posebnim Rješenjem, a isplatit će

se na teret sredstava Zavoda zdravstvenog osiguranja Kantona Sarajevo.

### V

Ovo rješenje stupa na snagu danom donošenja.

Stupanjem na snagu ovog rješenja stavlja se van snage Rješenje o imenovanju koordinacionog tijela Ministarstva zdravstva Kantona Sarajevo broj: 10-05-28636-4 /16 od dana 12.07.2017.godin, za potrebe koordinacije svih aktivnosti u realizaciji Akcionog plana i Plana restrukturiranja zdravstvene djelatnosti i reorganizacije zdravstvenih ustanova u Kantonu Sarajevo

### Obrazloženje

Ministarstvo zdravstva Kantona Sarajevo je opredijeljeno da u skladu sa principima i mjerama Vlade Kantona Sarajevo u periodu 2021-2022, kao prioritet u svom radu u realizuje aktivnosti na procesu ulaska cijelog zdravstvenog sektora Kantona Sarajevo u okvire Federalnog zakona o zdravstvenoj zaštiti. Iako je Skupština Kantona Sarajevo u aprilu 2017. godine donijela Plan restrukturiranja zdravstvene djelatnosti i reorganizacije zdravstvenih ustanova u Kantonu Sarajevo s ciljem da se organizacija i djelatnost zdravstvenih ustanova uskladi sa Zakonom o zdravstvenoj zaštiti iz 2010. godine, što je bila obaveza koja se trebala realizirati u roku od dvije godine od dana objavljivanja Zakona, nažalost moramo konstatovati da je nisu realizovane aktivnosti definisane u Planu. Dosadašnje nepoduzimanje ili neblagovremeno poduzimanje adekvatnih mjera na sprovođenju utvrđenih aktivnosti iz Plana restrukturiranja zdravstvene djelatnosti i reorganizacije zdravstvenih ustanova, prouzrokovalo je negativne posljedice za korisnike zdravstvene zaštite u pogledu dostupnosti i kvalitete zdravstvenih usluga, a to se čak odrazilo i na zaposlene u zdravstvenim ustanovama. Mora se istaći da je zdravstveni sistem u Kantonu Sarajevo neracionalno organizovan i pored toga što se velika sredstva izdvajaju za zdravstvenu zaštitu. Do sada, sa aspekta jasne podjele rada u organizaciji zdravstva, nisu postignuti zadovoljavajući rezultati.



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1



Upravljanje zdravstvenim sektorom podrazumijeva viziju i dalji pravac razvoja zdravstvene politike koja treba osigurati efikasniju i efektivniju zdravstvenu zaštitu. Zdravstvena politika u Kantonu Sarajevo nije jasno definirana zbog čega se zdravstvo u prethodnim godinama stihijski razvijalo.

Sve ovo su razlozi da se upravljanje zdravstvenim sistemom Kantona Sarajevo mora zasnivati na jasno utvrđenoj viziji i pravcima daljeg razvoja, te s tim u vezi je neophodno preduzimanje zakonodavnih, političkih i društvenih mjera koje trebaju osigurati optimalan stepen osiguranja prava pacijenata.

Nužno je izvršiti reorganizaciju i restrukturiranje zdravstvenih ustanova na području Kantona Sarajevo, a uvažavajući podatke iz analize kao i potrebe za boljom zdravstvenom zaštitom ministar zdravstva Kantona Sarajevo imenovato je radnu grupu, koja će na osnovu analize stanja u oblasti zdravstva, ako je potrebno predložiti i izmjenu Plana restrukturiranja zdravstvene djelatnosti i reorganizacije zdravstvenih ustanova shodno zakonskim propisima za sva tri nivoa zdravstvene zaštite, utvrdi osnove za izradu Programa zdravstvene zaštite o pružanju zdravstvenih usluga.

Na osnovu naprijed navedenog od Jučeno je kao u dispozitivu rješenja.



Dostaviti:

1. Svim članovima Radne grupe
2. a/a



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-33-3896-1/21  
Sarajevo, 15.02.2021. godine

Na osnovu člana 70. st. 1. i 2. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05), a u vezi sa članom. 13 stav 2. Zakona o zdravstvenoj zaštiti („Službene novine Federacije BiH“ broj 46/1 i 1 75/13), Ministar zdravstva donosi

**RJEŠENJE**

**I**

Imenuje se u Radnu grupu za koordinaciju svih aktivnosti u realizaciji Plana restrukturiranja zdravstvene djelatnosti i reorganizacije zdravstvenih ustanova u Kantonu Sarajevo, imenovanu Rješenjem Ministarstva zdravstva Kantona Sarajevo Broj: 10-33-3896/21 od 11.02.2021. godine:

- Dipl. oec Sakib Katana.

**II**

Ovo Rješenje sastavni je dio Rješenja Ministarstva zdravstva Kantona Sarajevo Broj: 10-33-3896/21 od 11.02.2021. godine.

U ostalom dijelu teksta Rješenja Ministarstva zdravstva Kantona Sarajevo Broj: 10-33-3896/21 od 11.02.2021. godine, ostaje neizmjenjeno.

**III**

Ovo Rješenje stupa na snagu danom donošenja.



Dostavljeno:

- a. Svim članovima radne grupe
- b. a/a

